

mjeńša 800 Serbow abo tajkich, kotřiž serbski wuměja, su to přede wšěm čeladnicy a Serbja, kiž su do města přiáhli; měšćenjo sami pak pokhadžeju wot starych časow z němskeho rodu. W Otašojcach bydli přez 50 Serbow a na Górkosnje namakaš 3 serbske a 1 němsku swójbu. Steglich praješe: Mjez ratarjemi a dželačerjemi Picańskich předměstow je dosć Serbow, kotřiž pak móža so we woběmaj řečomaj derje zrěčeć (die in beiden Sprachen fortfommen), a husto mějwaju so tam duchowne služby (Amtshandlungen) z džela w serbskej, z džela w němskej řeči (dla přítomnych Němcow z města). — 2) Drjenow z 687 a 3) Přiług z 401 dušemi staj dospołnje serbskej wsy a mataj hišće wjele ludźi, kiž němski njemóža (Steglich). — 4) Tornow liči 836 wobydleri, mjez nimi je do hromady 8 Němcow: knježk ze swójbu (4), jena stara nježenjena babka, jedyn 17-lětny młodzenc a jedyn korčmař ze žonu; posledniši štyrjo pak powědaju zwjetša tež serbski; haj, tón 17-lětny hólc, z Picnju rodzeny a snadno wobdarjeny, je hižo „anragirt“ Serb: wón běše poł lěta w Tornowje słužiwši dospołnje serbski nawuknuł a njerěčeše wot toho časa z k. fararjom wjacj jinak hač serbski. — 5) Us při Usańskich jězorach abo gatach ležacy wobsahuje 369 wobydleri, mjez nimi 6 rodzenych Němcow (młynkec swójba a zastojnik na kralowskej nuknicy). — 6) Nowa Wjes wobsedzi na 300 ludźi, we nich 2 němskich; staj to wučerjowa a bur Jakubašk, rodzeny z Baršćanskeje strony. — 7) W Tureji maš 838 dušow, mjez nimi 20 Němcow (wyšši hajnik, hólnik, korčmař), kotřiž pak tež nimale wšitcy serbscy řeča. Džěci su wšě serbske. — Turejscy a Tornojscy wědza pak tež trochu běžnišo němski řečeć hač druzy wosadnicy.

Na wšěch wsach Picańskeje wosady so w přazach jenož „serbske stucki“ spějwaju a wurjadnje druhdy tež někajki krótki němski gassenhauer mladym hólcam k woli, kiž su jón z wójska sobu dom přinjesli, tola jeho woprijeće wostanje rjanym spěwařkam z wjetšeho džela njezrozumjene. W póstnym a jutrownym času spějwaju „žowča“ na wsy jenož serbske kěrluše. — Wšě žónske a zwjetša tež mužscy noša so tu hišće w narodnej serbskej drasće, předniše drasća so do čista po Błotowskim wašnju. Žónske wobliča maju tu strowy, pócciwy, rjany, haj husto krasny